

Balua na bini

gba Polo pi omabhuka na gudhu na

Tesalonike

Eli na kalanu

Tesalonike ne 'ngbé gudhu ngámá gba okpála na *Loma na Makedonia-o. Polo a'o nani Dadjua gba Ebhe oo pita nayie ka ani bhú Filipoi-o. Má gala kolo me-e, omaYuda adu ne botolo u atsia adu agú ani. Padhá de, anga engú gba *Kilisito inde li Polo adu akpokpo e adu anu bha ne kalanu bhú ká okpála inde ne omaYuda ade inde aziba engú na Ebhe gba omaYuda-o. Kaka-a, Polo ayie bhú gudhu na Tesalonike ani akodho 'kpí bhú gudhu na Beloya. Pita ani akolo lie bhú gudhu na Kolito-o, Polo asia ngali ka kilí e Timoté inde u adu amene kulu ne e-e, pindji makobho na Dadjua gba Ebhe inde abhú gudhu na Tesalonike-o.

Polo aye balua na kalanu pi *omabhuka na Tesalonike ngu nato masi di ngu naké bua omakilisito kuto. Polo atsia asia nedhinga bhomu ngu napa pi uo me u du bha namene kulu me u nde a'o bua o kuto me u nde ne 'to o 'to nago gba Kilisito-o.

Ongbengbe ongu inde bhú bhuku inde-e ngae inde:

Eli na kalanu 1:1

Nagie heni ne natoko 1:2 – 3:13

Lfi ngu makobho gba makilisito 4:1-12

Oli pindji nago gba Kilisito 4:13 – 5:11

Nato masi na soso 5:12-22

Eli na soso 5:23-28

Polo ne obi e yi omabhuka na gudhu na Tesalonike mayi

1 ¹Ngayi *omabhuka na Dadjua gba 'Dyi ní Ebhe, di ne Ngámá gba ní Yesu *Kilisito na gudhu na Tesalonike-e, ya yi yi mayi. Ma aye balua inde-e ngama Polo bhú dabilí bini ne Silivano di ne Timoté. A ayo me bádha bhú 'bu ne *guo 'ngu gba 'Dyi ní Ebhe di ne Ngámá gba ní Yesu Kilisito-o du ne yi bhú dabilí bini.

Makobho di ne nabhuka gba okpála na Tesalonike

²Ya ngagie heni pi Ebhe piko ngubula ndu yi hana. Ya la di ngabhu 'li yi ndu nedhinga hana ya ngayo Ebhe lie-o. ³Nedhinga ya ngayo Ebhe lie, ya ngagie heni pi Ebhe 'Dyi ní ndu nedhinga hana li ongu inde: yi ngamene kulu pi Ebhe anga yi abhuka Yesu, yi ngateteke okpála anga yi ne makunda pi uo, yi alu kpekpeke bhú *nabhuka gba yi nedhinga u ngato mbolo li yi lie, anga yi ngabhuka me Ngámá gba ní Yesu Kilisito agie lie magie.

⁴*Ondaise ya, ya di ngagie heni pi Ebhe, anga ya ambila ndjindji me Ebhe akunda yi, ani atsia abhu di yi ngu nadu piga gba e makpe. ⁵Padhá de, anga nedhinga ya adu lie agba yi-e, ya kpokpo bha bini *Bádha Ngali pi yi ne 'li ya de, engú bini, ya akpokpo Bádha Ngali ango-o bhú dabilí bini ne angu di ne *Bu Bhobua . Ya adu ambila di ndjindji me engú inde ya adu apa e adu kakulu 'ngu. Yi mbila ndjindji lele maka ya adu nadu lie bhú ká yi ngubula me yi du ndjindji-o.

⁶Ngayi-e, yi asia *Eli gba Ebhe-e ne djali inde ngayie ka Bu Bhobua, abana u adu ato mbolo li yi lie-o. Abhomu-o, yi amene 'ngu maka ya amene lie di ne maka li Ngámá gba

ní Yesu Kilisito amene lie-o. ⁷ Kaka-a, yi akolo pí ndu omabhuka hana na ndu doto na Makedonia di ne Akai okpála inde lí okpála koko ngakpata nganda o.

⁸ Mbia inde-e, Eli gba Ngámá-a yangba bha bini nayie agba yi bhú ndu doto na Makedonia ne Akai de, engú bini, ngali pindji nabhuka gba yi bhú Ebhe-e ayangba di ne ndu bili hana. Kaka-a, ya matá ne gumu napa 'ngú gba yi-e pí okpála ade. ⁹ Padhá de, anga ndu uo hana ngakpokpo 'ngú pindji maka yi asia ya lie nedhinga ya akolo lie agba yi-o. U di ngakpokpo maka yi a'o nakpata oebhe na eu lie ngubula naha liyi pí Ebhe na kəkəli inde na mukobho-o. Mbia inde-e, yi ngamene kulu liyi pí ani. ¹⁰ U di ngakpokpo me yi ngadjeke me Yesu, Ndili gba Ebhe-e yie abhúlá, go pfla doto. A ko kpála inde lí Ebhe azuku e bhú ká okpála inde amu, ani ngagbegbe ní bhú mangimbo lí Ebhe akódho 'ngú lie-o. Ekpí nakodho 'ngú ango-o akolo masikpe.

Kulu gba Polo bhú gudhu na Tesalonike

2 ¹ *Ondaise ya, ngayi makpe-e, yi mbila ndjindji me enú ya anu e agba yi-e, adu enú na padhá padhá de. ² Yi mbila la di ndjindji me, kalanu-o, u ato ngaiza mbolo lí ya, ya atsia azu di likabhu bhú gudhu na Filipoi. Engú bini, Ebhe gba ní-e atsia ato masi bhú ya ngubula me ya kpokpo *Bádha Ngali gba ní-e pí yi, belegu u adu ale nani kpadi pí ya lie-o. ³ Padhá de, anga e'í inde ya nga'í okpála lie me u ziba Bádha Ngali-e, a ko eu de, a ko di kabula gumu na siniti de, ya gili la di napite kpála bini de. ⁴ Engú bini, ya ngakpokpo Bádha Ngali anga Ebhe ale ya, ani atsia au me ya ti da nakpokpokpo lí lelele. Abhomu-o, ani atsia aha Bádha Ngali ango-o pí ya me ya kpokpo pí okpála koko. Ya gili nanga lí okpála de, ya ngagili mangbo nanga lí Ebhe inde ngale bua ní ngú nambila engú inde bhúbhú-o.

⁵ Yi mbila ndjindji me ya du apa 'ngú ka djila kpála 'kpí bini de. Ya pa di obabadha 'li ngú nasia ehe bini de. Ebhe apá bhobhomu-o lí ya ngae. ⁶ Ya gili de me okpála dhoge ya-a de, abana i du yi, abana i du di okpála koko. ⁷ A ayo nako me ya du bhú ká yi maka ongbengbe okpála, anga ya ne *obhulu titima gba *Kilisito. Engú bini, ya adu bhú ká yi me ya nde abedhe ne bhuku 'ngú maka 'hi ongisí inde ngaku ongisí gba e.

⁸ Ya kanda yi naali. Kaka-a, ya du bha bini bedhe de ngú nakpokpo pí yi Bádha Ngali gba Ebhe, engú bini ya adu bedhe ngú nateteke yi ne ndu kpadi hana, anga yi akolo kpákpá na bua ya. ⁹ Ondaise ya, yi bhundja nga kulu di ne ndala gba ya-o. Nedhinga ya adu akpokpo Bádha Ngali gba Ebhe-e lie pí yi-e, ya amene kulu ngbiki ne sukpe ngubula me ya adhá bhú kpála bini bhú ká yi de. ¹⁰ Yi apá lí ya ngayi, lí Ebhe tsia pá di lí ya ngae me, nedhinga ya adu lie bhú ká yi *omabhuka-a, ya amene engú inde nganga lí Ebhe, engú na ngbingbili, engú inde lí okpála pá siti 'ngú lí ya ka e de. ¹¹ Yi mbila la di ndjindji me ya amene pí kpála bini bini bhú ká yi maka lí 'dyi ongisí amemene pí ongisí gba e makpe lie-o. ¹² Ya ato masi bhú yi, ya atsia apa di pí yi ne kekele me yi dholo maka lí Ebhe akanda lie. Ngaani-e, ani nga'í yi me yi lí bhú Nau gba ní, di me yi sia *sangu gba ní-o.

¹³ La di-e, ya ngagie heni pí Ebhe ndu 'kpí hana, anga yi asia *eli gba Ebhe inde ya akpokpo e pí yi-e lie, yi aziba me a ko 'li okpála de. Engú bini, yi aziba me a ko eli gba Ebhe na paká, eli inde di ngamene kulu bhú yi okpála inde abhuka-o. ¹⁴ Ondaise ya, engú inde akolo lí yi-e maka engú inde akolo lí okpála abhuka Yesu Kilisito bhú oDadua gba Ebhe bhú ndu doto na Yudaya-o. Padhá de, anga yi azu likabhu bomu-o sakpa ondaise yi makpe na kuti bini maka u azu di lie sakpa omaYuda-o. ¹⁵ Ngauo-o, u abhelo Ngámá Yesu di ne *opolofeta gba Ebhe, u atsia ato di mbolo lí ya. U nga lí Ebhe di ne lí okpála de. ¹⁶ Padhá de, anga u ngamene ne kpéke me o ni kpadi pí ya me ya akópko Bádha Ngali pí okpála inde ne omaYuda ade-e de, ngubula me u akóbho de. U ngamene lie mo-o, u ngabe ndu siti 'ngú gba o ndu 'kpí hana. La ali soso-o, ke 'ngú gba Ebhe-e atí pí uo.

Gumú gba Polo ngú nau omabhuka na Tesalonike

¹⁷Ondaise ya, pi ya-a, pita nedhinga bedi ní agbo bhúsú ní lie ne yi bhú kúte, bua ní nde bha ne yi bhú dabilí bini-e, ya amene ne kpéke hana me ya nù u yi, anga ya adù ne gumú naali me ya u matá yi. ¹⁸Ya adù ne gumú me ya gie liya agba yi. Ngama Polo, ma ale bhútsibhútsi. La-a, *Satana ani kpadjí pi ya. ¹⁹A ko paká. Ta na'o 'to ya 'to Ngámá-a, a ko yi. Ta djali gba ya-a, a ko yi. Nedhinga li Ngámá gba ní Yesu Kilisito agó lie, yi adú pi ya maka ndata na ngámá inde u ahaha e pi okpála inde agboko 'gú-o. Ya tsia dá kala ani ne gindaginda. ²⁰A moko, ya ne gindaginda kabula yi, ya la di ngakpi djali kabula yi.

3 ¹Abhomú-o, i nde lie me ya nde ti da nako nakibila nagbo bhúsú ní ne yi de-e, ya au ndjindji me ya tigala bhú gudhu na Atene tífi ya, ²amba ya tima *ndai ní Timoté agba yi mada ya. Ani ngamene kulu bhú dabilí bini ne Ebhe ngú nakpokpo *Bádha Ngali gba *Kilisito-o. Ya atima ani me ani be ndù *nabhuka gba yi, amba ani tsia to di masi bhú yi, ³ngúbula me sùka yi bini a'ó ká nabhuka gba e ka olikabhu yi ngazú e mbia inde-e de. Padhá de, anga ngayi makpe-e, yi mbila ndjindji me Ebhe aziba ngae me ní zú ngua likabhu bhómú. ⁴A na paká me, nedhinga ya adù lie agba yi-e, ya adù apa pi yi me okpála ató mbolo li ní. Yi mbila me, a la bhadi ngae inde akolo li yi inde. ⁵Li ma au lie me ma ti matá da nagbite bua ma de-e, ma atsia atima Timoté me ani nù tsia lele nabhuka gba yi-o. Ma atima ani, anga ma adù akpe me djabùlù alé yi de, di me kulu gba ya inde ya amene e bhú ká yi-e, akólo padhá de.

Polo asia angu li bua e ka nabhuka gba okpála na Tesalonike

⁶Engú bini, Timoté akolo li ya mbia inde-e bhú 'nù ani ayie lie agba yi-o. Ani apa pi ya bádha ngali me yi alù kpekpeke bhú nabhuka di me yi ne mukúnda sùnda yi. Ani apa di pi ya me yi ngabhundja ya ndù 'kpí hana ne bádha bua, yi la di ngakúnda me yi u matá ya maka ya ngakúnda di lie me ya u yi-o. ⁷Ondaise ya, ka nadje engú li Timoté apa e pi ya-a, abana ya ngazú likabhu di ne u ngato mbolo li ya lie, ya asia angu li bua ya ka yi. Padhá de, anga ya adje me yi ngalila nabhuka gba yi bhú Yesu-o ndjindji. ⁸Mbia inde-e, ya abi matá angu, anga yi alù kpekpeke bhú nabhuka Ngámá. ⁹Ya ti da nagie heni pi Ebhe lele pi ka ngua djali ya abedhe ne e li 'ngú gba yi kala ani-e? ¹⁰Ngbikpi ne sukpe, ya ngazi kekele li nayo Ebhe me ani mene me ní u matá liní ne yi, amba ya bedhe 'bhò 'he inde aneke bhú nabhuka gba yi-o.

¹¹A ayo me Ebhe 'Dyi ní ngae makpe, di ne Ngámá gba ní Yesu bhulu kpadji pi ya li pápá gba yi. ¹²A ayo me Ngámá be ndù mukúnda yi nde ne e sùnda yi di ne bhe yi nde ne e pi ndù okpála hana li lele mukúnda ya nde di ne e pi yi ko. ¹³A ayo me ani ha di angu pi yi li bua yi, amba yi dù bubu, amba 'Dyi ní Ebhe aú siti 'ngú napapa li yi de, bhú nedhinga li Ngámá gba ní Yesu agó lie bhú dabilí bini ne okpála na bububu gba e hana-o. [A adù moko.]

Nadù bhú mukobho inde ngaha djali pi Ebhe

4 ¹Ngú nabu tata-a, *ondaise ya, ya asuno pi yi lele maka ayo lie me mukobho gba yi-e ha djali pi Ebhe-o. A na paká me yi la bhadi ngamemene moko. Ya la ngayo ka yi di ne nakikiliki liya pi yi ne 'li Ngámá Yesu me, yi nù matá ne di ne kalanù ane bhende yi ngamene e ko. ²Padhá de, anga yi mbila olífi inde ya aha e pi yi bhú nasuno inde ya asuno e pi yi ne 'li Ngámá Yesu-o hana. ³Ebhe akúnda me yi dù bubu ngú nasuno me yi libhomu pi ní. A akúnda napa me, yi adù akúnda olisi di ne obhosi ngangá de, ⁴kpála bini ne bini bhú ká yi mbila nalila kúte e^a me adù bubu da napa me u manga yi.

^a4:4 Nambila nalila kúte o: A akúnda napa me u manga yi. U ti da napa di li bilí inde-e me: «Naha lío li lelele.»

⁵Yi a'ó de me gũmũ kũte ha angu yi maka li omũpagano inde i mbila Ebhe de-
ngamemene lie de. ⁶Bhũ engũ bhomũ-o, a ayo de me kpála bini mene siti 'ngũ li pá bili
gba kilí e de. Aní apíte la di aní de. Ya agbele nako 'dje yi tété kpekpeke me, Ngámá a'ó
'ngũ pí okpála inde ngamene ngua 'ngũ bhomũ. ⁷Padhá de, anga Ebhe 'i ní ngũ nadũ
bhũ zibotũ de, aní a'í mangbo ní ngũ nadũ bubu kala ní. ⁸Kaka-a, kpála inde ngandjo líli
bhomũ-o, aní ndjo kpála bini de, aní ngandjo mangbo Ebhe inde ngaha *Bu Bhobua gba e
pí yi-o.

⁹Pindji 'ngũ bhe atsia mukũnda sũnda yi-e, yi ne gũmũ ade me ya ye engũ pí yi pépé-
de. Padhá de, anga ngayi makpe-e, Ebhe asuno pí yi lele maka a ayo lie me yi kũnda
liyi-o. ¹⁰A ko la bhadi koli mukũnda bini inde yi ngasuno e pí ondaise ní hana na ndu
doto na Makedonia-o. La-a, ya ngayo ka yi me yi nũ ne di ne kalanũ. ¹¹La di-e, yi dũ
nadũ ne *guo 'ngũ sũnda yi. Yi adũ alí bhũ 'ngũ bhe i tsia yi de-e de. Yi dũ amene kulu
ne 'kpa yi makpe ngũbula mukobho gba yi-e maka ya apa nako pí yi lie ko. ¹²Yi mene
mo-o, li omũpagano mánga yi, yi dhá la di bhũ kpála bini de.

Nagie lie ka Ngámá Yesu

¹³Ondaise ya, ya akũnda me yi mbila kũkũlũ 'ngũ pindji engũ gba okpála inde amu,
ngũbula me yi adũ ne likabhu maka okpála bhende i bhuka de-e de. Padhá de, anga pí
uo-o, píta nakpi-e, okpála amu-o zũku de. ¹⁴Ní abhuka me Yesu akpi, aní atsia azuku. Ní
abhuka bhadi moko me Ebhe apó bhũla okpála inde amu me u nde abhuka Yesu-o bhũ
dabili bini ne aní.

¹⁵A inde-e engũ ya ngapa e pí yi maka li Ngámá asuno lie me, li 'kpí nago ka ní-e,
nganf okpála bhende adũ nga ũ-o, ní kódkho 'kpí kala okpála inde amu-o de. ¹⁶Padhá
de, anga Ngámá ayíe abhũlũ ngae makpe ngũ naké pála doto. Li nedhinga ang-o, aní há
líli kpekpeke, li ngámá gba oandjelu-o bini tsia sũla, li toti gba Ebhe 'ú lie. Abhomũ-o,
li okpála inde amu me u nde abhuka *Kilisito tsia zũku ngaiza kalanũ ngao. ¹⁷Pípita-a,
nganf okpála bhende adũ bhũ mukobho li nedhinga bhomũ-o, Ebhe a'é ní bhũ ndindi bhũ
dabili bini ne obhende azuku-o ngũbula me ní nũ kũ liní ne Ngámá abhũ 'kpí. Abhomũ-o,
ní tsia dũ bhũ dabili bini ne Ngámá dũdũma ne dũdũma. ¹⁸Kaka-a, yi teteke liyi sũnda yi
ne oeli bhomũ.

5 ¹*Ondaise ya, li bhende atsia ekpí li Yesu agíe lie lie, yi ne gũmũ ade me u ye 'ngũ pí
yi pépé-e de. ²Padhá de, anga yi mbila ndjindji me ekpí nago ka Ngámá-a akóto li ní
bhũ gbilikiti maka bhũlũ 'zi agógo lie sukpe me 'to kpála nde 'to aní ade-o. ³Nedhinga li
okpála apá lie me: «Egũ ade, ní bhũ *guo 'ngũ-o», a la bhomũ-o nedhinga li likabhu atí
pí uo lie má kii-o. A atí pí uo maka kuo nazũ ká bhũ 'bu elũ na 'bhi adhidhika lie-o.
Likabhu ang-o néke uo de.

⁴Engũ bini, ngayi ondaise ya-a, yi bhũ biti ade. Kaka-a, ekpí ang-o kóto li yi bhũ
gbilikiti maka bhũlũ 'zi agógo lie de. ⁵Ma apa pí yi mo-o, anga ndũ yi hana yi ne okpála
na tsia 'kpí, yi la di ne okpála na ngbikpi. Ní ne okpála na sukpe ade, ní la di ne okpála na
biti ade. ⁶Kaka-a, a ayo de me ní dũ tila maka okpála koko-o de. Engũ bini, a ayo me ní
dũ li zũkũ, amba ní dũ bedhe ndũ nedhinga hana. ⁷Padhá de, anga obhũlũ nala ela, lala
sukpe, obhũlũ nalangba, lalangba sukpe.

⁸Engũ bini, nganf okpála na ngbikpi-e, a ayo me ní dũ bedhe ndũ nedhinga hana. Ní
ha *nabhuka ne mukũnda maka kopí. Ní abhuka me Yesu akóbo ní makobho. Kaka-a,
ní lila mabhundja bhomũ-o maka ndata li osũdha atoto e^b ngũ nalila lie bhũ 'gũ-o. ⁹Padhá
de, anga Ebhe 'i ní ngũ nasia ke 'ngũ gba e de. Engũ bini, aní a'í ní me ní sia mukobho
li kpadji gba Ngámá gba ní Yesu *Kilisito . ¹⁰Yesu akpi pí ní ngũbula me abana i dũ
me ní nde nga bha tété, ne me ní mu-o, nedhinga aní agíe lie lie, ní de dũ bhũ mukobho

^b5:8 Ndata li osũdha atoto e: A ko ndata na kalase inde li osũdha atoto e ngũ nalila 'ndji o bhũ 'gũ-o.

bhú dabilí bini ne ní. ¹¹ Kaka-a, yi to masi bhú yi sánda yi, amba yi tsia teteke liyi bhú nabhuka maka yi nde ngamemene lie-o.

Polo aha olíli na soso

¹² Ondaise ya, ya ngayo ka yi me yi dú ne mazima pí obhende ngamene kpéke kulu bhú ká yi, inde lí Ebhe a'o o me u dú alú kala yi, inde di ngaha lílí pí yi-o. ¹³ Yi dú pí uo ne mazima di ne mukúnda naali ka kulu gba uo-o. Yi dú ne guo 'ngú sánda yi.

¹⁴ Ondaise ya, ya ngayo ka yi me yi gbele 'dje okpála bhe na ipio-o. Yi to masi bhú obhende ne tsulú-o. Yi teteke obhende bhábhukú-o. Yi dú ne 'ndjá bua pí ndú okpála hana. ¹⁵ Yi lila liyi me kpála bini agié siti pí siti de. Engú bini, yi gílí namene bádha 'ngú sánda yi ndú 'kpí hana, di ne pí ndú okpála hana.

¹⁶ Yi dú ne djali ndú 'kpí hana. ¹⁷ Yi zi kekele lí nayo Ebhe. ¹⁸ Yi gie heni pí Ebhe lí ndú 'ngú hana, anga a bhomú-o engú inde lí Ebhe akúnda me yi mene e bhú mukobho gba yi bhú Yesu Kilisito-o.

¹⁹ Yi aní kpadji lí kulu gba *Bu Bhobua-a de. ²⁰ Yi andjó 'lí *opolofeta de. ²¹ Engú bini, yi gílí 'ngú píndji ndú 'ngú hana, amba yi dhedhe lí bhe na babadha-o. ²² Yi lila liyi ka ndú osisiti 'ngú hana.

²³ A ayo me Ebhe ngae makpe inde bhulú guo 'ngú-o mene me yi dú libhomu pí ní. Aní lila 'lá yi libhomu, ne bua yi, ne mukobho gba yi, ne káte yi me okpála aú engú na sisiti napapa lí yi de, akólo lí 'kpí lí Ngámá gba ní Yesu Kilisito agié lie-o. ²⁴ Ebhe inde ngáí yi-e améne me yi dú libhomu pí ní, anga aní memene ndú 'ngú hana inde aní apapa e-o.

²⁵ Ondaise ya, yi yo di Ebhe ngú ya.

²⁶ Yi yi ndú ondaise ní hana ne nakama uo lí káte yi.

²⁷ Ma ayo ka yi ne 'lí Ngámá me, yi tanga balú inde-e pí ndú ondaise ní hana.

²⁸ A ayo me bádha bhú 'bu gba Ngámá gba ní Yesu Kilisito-o dú ne yi bhú dabilí bini.